

ხელშეკრულება სახელმწიფო შესყიდვების შესახებ #18/89
(ელექტრონული ტენდერი #NAT180010180)

ქ. თბილისი

01 აგვისტო 2018 წ.

ერთის მხრივ, შემსყიდველი ა(ა)იპ „მუნიციპალური სერვისების განვითარების სააგენტო“ (ს/ნ 405026877) წარმოდგენილი მისი თავმჯდომარის მოადგილის ნათია ლატარიას სახით და მეორეს მხრივ, მიმწოდებელი შპს „ტელკო სისტემსი“ (ს/ნ 205203279) წარმოდგენილი მისი დირექტორის ირაკლი გულიაშვილის სახით. ერთი მხრივ - „შემსყიდველი“ და მეორე მხრივ - „მიმწოდებელი“, ორივე ერთად წოდებული როგორც „მხარეები“ ვმოქმედებთ, რა საქართველოს მოქმედი კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვთანხმდებით შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - სატენდერო დოკუმენტაციით განსაზღვრული ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 ა(ა)იპ „მუნიციპალური სერვისების განვითარების სააგენტოსთვის“ ქსელების (ქსელის კომპონენტები) შესყიდვა (CPV32400000).
- 2.2 შესყიდვის ობიექტის აღწერა განსაზღვრულია ხელშეკრულების დანართი №1-ით და წარმოადგენს მის განუყოფელ ნაწილს.

3. ხელშეკრულების ღირებულება

- 3.1 ხელშეკრულების ღირებულებაა: 3255 (სამიათას ორას ორმოცდათხუთმეტი)ლარი.
- 3.2 ხელშეკრულების ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისთვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მომსახურების გაწევის პირობები

- 4.1 საქონლის მიწოდების ვადა - ხელშეკრულებაზე ხელმოწერის დღიდან არაუმეტეს 20 (ოცი) კალენდარული დღის განმავლობაში.
- 4.2 მიწოდების ადგილი: ა(ა)იპ „მუნიციპალური სერვისები განვითარების სააგენტო“, ქ. თბილისი, მიცკევიჩის 29/29 ა.
- 4.3 მიწოდება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

5. მიღება-ჩაბარების წესი და ხელშეკრულების შესრულების კონტროლი

- 5.1 საქონლის მიწოდება დასტურდება შესაბამისი მიღება-ჩაბარების აქტით, რომელსაც ადგენენ და ხელს აწერენ მხარეთა უფლებამოსილი წარმომადგენლები, შესაბამის ეტაპზე ფაქტიურად მიწოდებული საქონლის შესაბამისად.
- 5.2 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ტექნიკური მხარდაჭერის სამსახურის უფროსს გიორგი კვარაცხელიას.
- 5.3 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - თავმჯდომარის მოადგილე ნათია ლატარია და ტექნიკური მხარდაჭერის სამსახურის უფროსი გიორგი კვარაცხელია.
- 5.4 შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6. ანგარიშსწორების ფორმა და ვადები

- 6.1 გაწეული მომსახურების ანაზღაურება განხორციელდება ეტაპობრივად, მიღება-ჩაბარების აქტის გაფორმებიდან, არაუგვიანეს 10 სამუშაო დღის ვადაში;
- 6.2 ანგარიშსწორების ვალუტა - ლარი;
- 6.3 ანგარიშსწორების ფორმა - უნაღდო.
- 6.4 შემსყიდველი არ იღებს მომსახურების სრული მოცულობით დაკვეთის ვალდებულებას.

7. ხელშეკრულების პირობების შეუსრულებლობა

- 7.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.
- 7.2 ფორს-მაჟორული გარემოებების გარდა, მომსახურების განხორციელების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების ღირებულების 0.2%-ს.
- 7.3 მიმწოდებლის მიერ ნაკისრი ვალდებულებების სრულად ან ნაწილობრივ შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 1%-ის ოდენობით.
- 7.4 პირგასამტეხლოს გადახდა არათავისუფლებს მხარეს ძირითადი ვალდებულებების შესრულებისაგან.
- 7.5 ხელშეკრულებით გათვალისწინებული მიწოდების ვადის 15 დღეზე მეტი ვადით გადაცილების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.
- 7.6 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.02%-ის ოდენობით.

8. ხელშეკრულებაში ცვლილება

- 8.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად

იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, არაუმეტეს ხელშეკრულების თავდაპირველი ჯამური ღირებულების 10%-ისა. გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების გადასინჯახდება საქართველოს კანონმდებლობით დადგენილი წესით;

8.3. მხარეების მიერ წინამდებარე ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის შესახებაც არანაკლებ 5 კალენდარული დღით ადრე წერილობითი ფორმით ან კომუნიკაციის ელექტრონული საშუალებების გამოყენებით უნდა შეატყობინოს მეორე მხარეს;

8.4. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2019 წლის 1 სექტემბრის ჩათვლით.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

13. მხარეთა რეკვიზიტები:

შემსყიდველი

ა(ა)იპ „მუნიციპალური სერვისების
განვითარების სააგენტო“ ს/ნ 405026877
მის: ქ.თბილისი, ა.მიცკევიჩის ქ #29/29ა
სახელმწიფო ხაზინა-ბანკის კოდი TRESGE22
ანგარიშის ნომერი: N741873459

მიმწოდებელი

შპს „ტელკო სისტემსი“ ს/ნ 205203279
მის: ქ. თბილისი, ყაზბეგის 29ა
„ვითიბი ბანკი ჯორჯია“
ანგარიშის #: UGEBGE22
GE54VT6600001212123602

შემსყიდველი:

თავმჯდომარის მოადგილე

მიმწოდებელი:

დირექტორი

2018 წლის 01 აგვისტოს გაფორმებული 18/89 ხელშეკრულების დანართი N1

დასახელება	რაოდენობა	ტექნიკური მახასიათებელი	მწარმოებელი ქვეყანა	გარანტია	ერთეულის ფასი	საერთო ღირებულება
(პაჩკორდი) CAT5E UTP 3M CCA	100	სიგრძე: 3მ, ტიპი: UTP Cat5e, კონექტორის ტიპი: RJ45	ჩინეთი	1 წელი	1.6	160.00
(პაჩკორდი) CAT5E UTP /4*7/0.18 CU 5.00m	100	სიგრძე: 5მ, ტიპი: UTP Cat5e, კონექტორის ტიპი: RJ45	ჩინეთი	1 წელი	4.7	470.00
(ქსელის კაბელი) Cu Cat5e FTP 0.50mm±0.008mm 305M	11	FTP CAT 5E Network Cable ფოლგირებული ხვეული წყვილი, ჩთ5. 100% სპილენძი	ჩინეთი	1 წელი	212	2332.00
(ქსელის კონექტორი) CAT5E UTP RJ45 connector	1100	ტიპი: CAT5e RJ45	ჩინეთი	1 წელი	0.07	77.00
(ჯეკმაიკერი) HT-318 (დასაჯეკი ხელსაწყო CSP-1061)	9	მოდელის ტიპი: RJ45	ჩინეთი	1 წელი	11	99.00
(ქსელის ტესტერი) ხელსაწყო NS-468 (KD-CT005) KINGDA, Cable Tester With RJ45/Rj12/RJ11/6F22, SONY, S006PB1A ZINC CARBON BATTERY 9V1-pc Blister pack 118691	9	ქსელის კაბელის ტესტერი RJ45 კონექტორის ტიპისთვის	ჩინეთი	1 წელი	13	117.00
სახელშეკრულებო ღირებულება:					3255.00	

ა(ა)იპ "მუნიციპალური სერვისების განვითარების სააგენტო"

შპს „ტელკო სისტემსი“

თავმჯდომარის მოადგილე

დირექტორი

